



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

O D L U K A
O PRISTUPANJU SPORAZUMU GRADONAČELNIKA ZA KLIMU I ENERGIJU
I IZRADI AKCIONOG PLANA ZA ODRŽIVU ENERGIJU
I BORBU PROTIV KLIMATSKIH PROMJENA

(engl: Sustainable energy and climate action plan – SECAP)

(Prijedlog)

Predlagač: Gradonačelnik
Obrađivač: Služba za urbano planiranje,
investicije, stambene i komunalne poslove

Sarajevo, januar 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici održanoj _____ donijelo je:

(prijedlog)

O D L U K A
O PRISTUPANJU SPORAZUMU GRADONAČELNIKA ZA KLIMU I ENERGIJU
I IZRADI AKCIONOG PLANA ZA ODRŽIVU ENERGIJU
I BORBU PROTIV KLIMATSKIH PROMJENA

(engl: Sustainable energy and climate action plan – SECAP)

Član 1.

Grad Sarajevo pristupa Sporazumu gradonačelnika za klimu i energiju, čime se obavezuje da će smanjiti emisiju CO₂ za najmanje 40% do 2030. godine u odnosu na baznu godinu i povećati otpornost na klimatske promjene na svojoj teritoriji.

Član 2.

Grad Sarajevo prihvata načela i obaveze iz Sporazuma gradonačelnika za klimu i energiju.

Član 3.

Ovom odlukom Gradsko vijeće daje ovlaštenje Gradonačelniku za pristupanje i potpisivanje Sporazuma gradonačelnika za klimu i energiju.

Član 4.

Ovom Odlukom Gradsko vijeće pokreće proces izrade Akcionog plana za održivu energiju i borbu protiv klimatskih promjena (SECAP) do 2030. godine.

Član 5.

Akcionni plan za održivu energiju i borbu protiv klimatskih promjena (SECAP) ima za cilj:

- smanjiti emisije CO₂ (i, prema mogućnosti, drugih stakleničkih plinova) na području grada za najmanje 40% do 2030. godine u odnosu na baznu godinu, efikasnijom upotrebom energije i većom upotrebom obnovljivih izvora energije;
- povećati otpornost grada na posljedice klimatskih promjena;
- podijeliti viziju, rezultate, iskustvo i znanje iz procesa izrade i implementacije SECAP-a s drugim lokalnim i regionalnim tijelima u okviru Evropske Unije i izvan nje, putem direktne saradnje i razmjene, posebno u kontekstu Sporazuma gradonačelnika.

Član 6.

Proces izrade Akcionog plana za održivu energiju i borbu protiv klimatskih promjena grada bit će zasnovan na principima održivog razvoja.

Član 7.

Gradonačelnik će imenovati koordinatora tima za izradu Akcionog plana za održivu energiju i borbu protiv klimatskih promjena.

Član 8.

Gradonačelnik će imenovati članove tima za izradu Akcionog plana za održivu energiju i borbu protiv klimatskih promjena kao operativno, izvršno i koordinaciono tijelo zaduženo za vođenje procesa izrade SECAP-a.

Član 9.

Gradonačelnik će imenovati savjetodavnu grupu za održivu energiju i borbu protiv klimatskih promjena, koja će aktivno učestvovati u izradi SECAP-a.

Član 10.

Po završetku izrade Plana, isti će se dostaviti Gradskom vijeću na usvajanje.

Član 11.

Ova Odluka stupa na snagu danom donošenja.

Predsjedavajući Gradskog vijeća

Igor dr. Gavrić

Broj:

Datum:

Obrazloženje:

PRAVNI OSNOV:

Pravni osnov za donošenje ove odluke sadržan je u odredbama člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), koji je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA:

Aktivnost pripreme Akcionih planova energetske održivosti i klimatskih promjena (SECAP) za odabrane JLS (grad Sarajevo je jedna od odabranih JLS temeljem Javnog poziva UNDP) će se raditi u okviru Projekta „Pokretanje okolišnog finansiranja u svrhu nisko-karbonskog urbanog razvoja“. Projekat implementira UNDP kancelarija u BiH.

Grad Sarajavo je ranije izradio Akcioni plan energetske održivosti (SEAP – Sustainable Energy Action Plan), koji se odnosio na vremenski period do 2020. godine i smanjenje emisija za 20%. Rok isteka SEAP-a je 2020. godina i shodno tome je potrebno kreirati novi Akcioni plan energetske održivosti i klimatskih promjena (SECAP – Sustainable Energy and Climate Action Plan), koji obuhvata razdoblje od 2020. godine do 2030. godine.

Novi Akcioni plan energetske održivosti i klimatskih promjena (SECAP – Sustainable Energy and Climate Action Plan) sa periodom implementacije do 2030. godine i smanjenjem emisija za 40%, trebao bi biti ključni dokument koji će prezentovati način na koji će lokalne vlasti doprinijeti implementaciji konkretnih aktivnosti koje imaju za cilj unaprjeđenje adaptacijskih sposobnosti na lokalnom nivou u odnosu na klimatske promjene, kao i naporima koji se ulažu za smanjivanje emisije stakleničkih gasova.

SECAP se temelji na referentnom inventaru emisija i ocjenjivanjima rizika i izloženosti koji sadrže analizu trenutnog stanja. Ovi elementi služe kao osnova za utvrđivanje sveobuhvatnog kompleta radnji koje lokalna tijela vlasti planiraju izvršiti kako bi ostvarili ciljeve za prilagođavanje i ublažavanje uticaja klimatskih promjena. U planu se koriste rezultati Referentnog inventara emisija sa ciljem identifikacije najznačajnijih područja u kojima je moguće poduzeti konkretne akcije i koja daju najviše potencijala za dostizanje ciljane redukcije CO₂ od strane lokalnih vlasti. Plan definiše konkretne mjere redukcije, kao i vremenske okvire i odgovornosti, koji će dugoročnu strategiju pretvoriti u konkretne provedive aktivnosti.

Primarno područje djelovanja predstavljaju programi i akcije uštede energije u javnim zgradama u vlasništvu lokalnih vlasti koje predstavljaju značajne potrošače energije, npr. za zagrijavanje i osvjetljavanje. Pored toga, značajne mjere za redukciju korištenja energije mogu se postići u drugim uslugama, kao što su javni prijevoz i javna rasvjeta. Prostorno planiranje i organizacija sistema prijevoza su nadležnost većine lokalnih i regionalnih vlasti, u kojima strateško planiranje i uspostava energetske standarde, koji će se poštivati pri izgradnji novih zgrada, mogu značajno reducirati korištenje energije.

Cilj projekta je investiranje u pokretanje koncepta nisko-karbonskog urbanog razvoja u BiH (eng. LCUD), smanjenje emisija GHG, povećanje raznovrsnosti i obima investicija u LCUD u BiH (uklanjanje finansijskih prepreke, građenje kapaciteta, unapređenje regulatornih okvira i td), promoviranje njihove šire upotrebe od strane jedinica lokalne samouprave i privatnog

sektora – finansijske mehanizme i sheme finansiranja kreirane u okviru sistema za finansiranje zaštite okoliša u BiH + pružanje podrške implementacije relevantnih strateških i legislativnih dokumenata na entitetskom i BiH nivou, transformacija tržišta - kreiranje i dalje razvijanje mogućnosti za poslovne subjekte (kao što je ESCO) i javna preduzeća zadužena za upravljanje otpadom kako bi se uključili u pružanje nisko-karbonskih proizvoda i usluga u urbanim sredinama u BiH.

FINANSIJSKA SREDSTVA:

U Budžetu Grada Sarajeva planirana su finansijska sredstva za ovu namjenu.



Sporazum gradonačelnika za Klimu i Energiju

Osnovne informacije o Sporazumu gradonačelnika za klimu i energiju

Sporazum gradonačelnika za klimu i energiju najveći je svjetski pokret gradova usmjeren na lokalne aktivnosti koje utječu na klimu i energiju. Sporazum gradonačelnika objedinjuje sve nivoje vlasti, kao i potporne organizacije, agencije i udruge, sa ciljem pristupanja inicijativi i pružanja podrške brzom provedbi aktivnosti koje utječu na klimu i energiju.

Lokalne vlasti imaju vodeću ulogu u ublažavanju klimatskih promjena i prilagodbi. Učestvovanje u Sporazumu gradonačelnika za klimu i energiju pomaže im u njihovim nastojanjima, osiguravanjem priznanja, resursa i potrebnim mogućnostima umrežavanja, kako bi oni svoje obaveze vezane uz energiju i klimu podigli na sljedeću razinu.

Činjenice o Sporazumu gradonačelnika za klimu i energiju

- 9,664 potpisnika
- 59 zemalja
- 326,671,680 stanovnika
- 6,281 potpisnika sa dostavljenim akcionim planom
- 2,203 potpisnika sa dostavljenim monitoring izvještajem

Tko može učestvovati?

Sporazum gradonačelnika za klimu i energiju otvoren je za sva tijela lokalne vlasti koja demokratski formiraju izabrani predstavnici, bez obzira na njihovu veličinu i fazu provedbe energetske i klimatske politike.

Mala i srednja tijela lokalnih vlasti u susjednim zemljama također se, pod određenim uslovima, mogu pridružiti kao skupina potpisnika i predati zajednički Akcijski plan energetske i klimatske održivog razvitka, preuzimanjem individualne (1. opcija) ili skupne (2. opcija) obaveze smanjenja emisije CO₂ za ciljnih 40 % i povećanja otpornosti na klimatske promjene.

Kako se pridružiti?

Kako bi se pridružila ovom rastućem pokretu, tijela lokalne vlasti trebala bi provesti sljedeći postupak:

KORAK 1

Inicijativu Sporazuma gradonačelnika za klimu i energiju predstaviti općinskom vijeću. Da biste olakšali raspravu Vijeća, možete koristiti dokument o obavezi.

KORAK 2

Nakon što vijeće donese službenu odluku, imenovati gradonačelnika ili predstavnika vijeća koji će Potpisati obrazac o pristupanju Sporazumu.

KORAK 3

Nakon potpisivanja, ispuniti internetski obrazac i učitati potpisani obrazac o pristupanju. Upoznati se sa sljedećim koracima iz potvrđne poruke koja se vijeću lokalne vlasti šalje elektronskom poštom.


Zašto učestvovati?

Potpisnici Sporazuma gradonačelnika imaju više razloga za pridruživanje pokretu, koji uključuju:

- Bolju saradnju i podršku tijela državne te lokalne i regionalne vlasti
- Visoku prepoznatljivost na međunarodnom nivou i vidljivost aktivnosti koje tijela lokalne vlasti provode vezano za klimu i energiju
- Priliku za doprinos oblikovanju klimatske i energetske politike EU-a
- Vjerodostojan angažman kroz analizu i praćenje napretka
- Bolje mogućnosti finansiranja lokalnih projekata vezanih za klimu i energiju
- Inovativne načine umrežavanja, razmjene iskustava i izgradnje kapaciteta kroz redovita događanja, partnerske programe, internetske seminare ili rasprave
- Praktična podrška (helpdesk), materijali sa uputama i alati
- Brzi pristup „know-howu izvrsnosti” i studije slučaja koje će vas nadahnuti
- Mogućnost samo-ocjenjivanja i razmjena među kolegama korištenjem predložka za zajedničko praćenje i izvješćivanje
- Fleksibilan referentni okvir za akciju, prilagodljiv lokalnim potrebama

Kada se pridružiti?

Tijela lokalne vlasti mogu u bilo kojem trenutku potpisati Sporazum gradonačelnika za klimu i energiju. Preporučuje se usklađivanje planskih aktivnosti na lokalnom nivou sa aktivnostima izvještavanja o provedbi Sporazuma, u cilju stvaranja sinergije i lakšeg planiranja.



Map data ©2019 Google, INEGI, ORION-ME Ter